

ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОЙ - СИЁСИЙ ГАЗЕТАСИ

№ 100 (10.153)

2004 ЙИЛ 27 МАЙ

Ўзбекистон Республикаси Президентининг ФАРМОНИ

ЎЗБЕКИСТОН ХОТИН-ҚИЗЛАР ҚЎМИТАСИ ФАОЛИЯТИНИ ҚЎЛЛАБ- ҚУВВАТЛАШ БОРАСИДАГИ ҚЎШИМЧА ЧОРА-ТАДБИРЛАР ТЎҒРИСИДА

Ўзбекистон Хотин-қизлар қўмитасининг, республика хотин-қизлар жамоат ташкилотларининг аёллар ҳуқуқларини ҳимоя қилиш, уларнинг мамлакатимиз сиёсий-ижтимоий, социал-иқтисодий ва маданий ҳаётида тўлақонли иштирок этишини таъминлаш, хотин-қизлар ҳамда ёшларнинг маънавий ва интеллектуал савиясини юксалтириш борасида олиб бораётган ишларининг самардорлигини ошириш мақсадида:

1. Қорақалпоғистон Республикаси Вазирлар Кенгаши, вилоятлар, Тошкент шаҳар, шаҳарлар ва туманлар ҳокимликлари, бошқа давлат тузилмалари хотин-қизларнинг ижтимоий-сиёсий фаоллигини ошириш, уларнинг оилада, жамият ва давлат қурилиши вазифаларини ҳал этишдаги ўрнини ошириш бўйича олиб борилаётган ишларни танқидий баҳолаб, уларни мамлакатимизда амалга оширилаётган демократик ўзгаришлар ва янгиланишлар ислохотларининг мавқеи даражасига кўтариш чора-тадбирларини жорий этсин.

Қорақалпоғистон Республикаси Вазирлар Кенгаши Раисининг, вилоятлар, Тошкент шаҳри, шаҳарлар ва туманлар ҳокимларининг ўринбосарлари - Ўзбекистон Хотин-қизлар қўмитаси раиси, Қорақалпоғистон Республикаси, вилоятлар, Тошкент шаҳри, шаҳарлар ва туманларнинг тегишли хотин-қизлар қўмиталари раисларининг вазифаларини тақсимлаш бўйича улар зиммасига юклатиладиган ваколатлар доираси жиддий равишда қайта кўриб чиқилсин ва фаолиятига кенг йўл очиб берилсин.

2. Қуйидагилар Ўзбекистон Хотин-қизлар қўмитаси ва уларнинг ҳоллардаги бўлинмалари фаолиятининг энг муҳим вазифалари ва йўналишлари деб ҳисоблансин:

хотин-қизларни ижтимоий-ҳуқуқий жиҳатдан қўллаб-қувватлаш, оналик ва болаликни муҳофаза қилиш, аёлларни касбий, жисмоний, маънавий ва интеллектуал савиясини юксалтириш, уларнинг социал, ижтимоий-сиёсий фаоллигини давлат қурилиши соҳасидаги фаол иштирокини таъминлашга қаратилган умуммиллий сиёсатни рўйбга чиқариш бўйича аниқ чора-тадбирларни ишлаб чиқиш ва уни амалга ошириш;

хотин-қизларнинг соғлиғини сақлаш, соғлом оилани шакллантириш, аёллар ва оила спортини ривожлантириш, соғлом турмуш тарзини тарғиб қилиш бўйича чора-тадбирлар мажмуини ишлаб чиқиш ва амалга ошириш; хотин-қизларни иш билан таъминлаш масалаларини ҳал этиш, айниқса қишлоқ жойларида уларнинг меҳнат ва ўқиш шaroитларини яхшилаш, аёлларни тадбиркорлик фаолиятига жалб этишга қаратилган дастурларни тайёрлаш ва амалга ошириш;

жойларда (оила, маҳаллалар, меҳнат жамоалари, таълим муассасаларида) миллий-диний анъаналарни тушунтириш ва уларга риоя қилиш, хотин-қизларнинг конституциявий ҳуқуқларини рўйбга чиқариш ва ҳимоя қилиш, бузғунчи кулларнинг хотин-қизлар онига таъсир ўтказиш, уларни экстремистик ва террористик фаолиятга жалб этиш йўлидаги уришларига қарши қаратилган ишларни самарали ташкил қилиш;

хотин-қизларнинг нодавлат нотижорат ташкилотлари фаолиятини мувофиқлаштириш ва улар билан самарали ҳамкорликни таъминлаш, бу ташкилотларнинг сазй-ҳаракатларини жамиятни модернизациялаш ва демократик янгилаш жараёнида, Ўзбекистонда жамият ва давлат қурилишида хотин-қизларнинг ролини кучайтириш бўйича чора-тадбирларни амалга ошириш борасидаги ишларга йўналтириш.

Ўзбекистон Хотин-қизлар қўмитасига, ўз олдига турган вазифаларни ҳисобга олган ҳолда, республика хотин-қизларининг жамоат ташкилоти сифатида, Ўзбекистон Хотин-қизлар қўмитасининг янги таҳрирдаги Низомини ишлаб чиқиш ва белгиланган тартибда тасдиқлаш тавсия этилсин.

Давоми 2-бетда.

«МАРКАЗИЙ ОСИЁ ҲАМКОРЛИГИ» ТАШКИЛОТИ ДАВЛАТ РАҲБАРЛАРИ КЕНГАШИНИНГ МАЖЛИСИГА ДОИР

Ўзбекистон Республикаси Президенти Ислон Каримов «Марказий Осиё ҳамкорлиги» ташкилоти Давлат раҳбарлари кенгашининг 2004 йил 28 май куни Қозоғистон Республикасининг пойтахти Остона шаҳрида бўладиган навбатдаги мажлисида иштирок этади.

ОЛИЙ МАЖЛИСДА

Олий Мажлиснинг Ижтимоий масалалар ва бандлик қўмитасида меҳрибонлик уйлари битирганларнинг мустақил ҳаётда ўз ўрнини топишида жамоатчиликнинг ролига бағишланган семинар ўтказилди.

Унда ҳуқуқни муҳофаза қилиш идоралари, Хотин-қизлар қўмитаси, Халқ таълими ҳамда Меҳнат ва аҳолини ижтимоий муҳофаза қилиш вазирлиги маъсул ходимлари, жамоат бирлашмалари, меҳрибонлик уйлари директорлари ва маҳаллалар оқсоқоллари иштирок этди.

Мазкур қўмита раиси М.Сафаева бошқарган тадбирда таъкидланганидек, бугунги кунда мамлакатимиздаги 28 меҳрибонлик уйида 3748 нафар бола тарбияланмоқда. Улар орасидан мустақил ҳаётга йўланма олаётган ёшларни уй-жой ва иш билан таъминлаш, олий ўқув юртларида таълим олиши учун барча зарур шароитларни яратиш, коллеж ва ўқув юртларида касбга йўналтириш ва муайян ижтимоий кўникмаларни ҳосил қилишда жамоатчиликнинг ўрни муҳим эканлигига эътибор қаратилди.

Семинарда меҳрибонлик уйлари битирувчиларини меҳр-оқибат руҳида тарбиялаш, давлат ва ҳомийлар томонидан берилаётган ёрдамни мақсадли сарфлаш, болалар соғлиғини муҳофаза қилиш борасида қатор камчиликлар мавжудлиги қайд этилиб, уларни бартараф этиш юзасидан тавсиялар берилди.

рениция Республика Соғлиқни сақлаш вазирлиги ташаббуси билан уюштирилди.

● **ЗАМОНАВИЙ** санъат марказида бастакор Мухтор Ашрафийнинг ижодига бағишланган хотира кечаси бўлиб ўтди. Тадбир қатнашчилари эътиборига Мухтор Ашрафий асарлари асосидаги концерт дастури намойиш этилди.

● **АЛИШЕР** Навоий номидаги Санъат саройида Баҳодир Ёқубов режиссёрлигида суратга олинган «Сарвиноз» бадий фильмининг премьераси бўлиб ўтди.

Тошкент шаҳар ҳокимлиги Матбуот хизмати ва ўз мухбирларимиз хабарларидан.

ХҲИ саҳоси

Барча нафбалардан
олинган сўғиги хабарлар

Мамлакатимизда

● Тошкентда «Гастроэнтерология ва гепатологиянинг долзарб муаммолари» мавзусида икки кунлик илмий-амалий конференция бошланди. Унда мамлакатимизнинг барча худудларидан шу соҳанинг етакчи мутахассислари, россиялик ва қозоғистонлик олимлар иштирок этмоқда.

● Ўзбекистон Банклари ассоциациясида «Республика инвестиция лойиҳаларини молиялашнинг аҳоли ва бу жараёнда банкларнинг роли» мавзусида семинар бўлиб ўтди.

● Ўзбекистон Бадий Академияси Замонавий санъат марказида «Замон ва шахс» мавзусида кўргазма очилди. Унда Тамара-хоним, Мухаррама Турғунбоева, Юнус Ражабий, Мухтор Ашрафий каби машҳур санъаткорларнинг ҳаёти ва ижоди ҳақида ҳикоя қилинади.

● Марғилон шаҳрида «Хаваскор мақом ансамбллари ва катта ашула ижрочилари»нинг республика кўрик-танлови бўлиб ўтмоқда.

● Бухорода Республика Давлат солиқ қўмитаси тизимидаги махсус ўқув юртлари талаба ва ўқувчиларининг анъанавий спартакиадаси ўтказилди.

● Хўжайли туманида Халқаро болаларни ҳимоя қилиш қўнига бағишланган «Бахтли болалик» номли болалар чизган расмларнинг кўрик-кўргазмаси ташкил этилди.

Жаҳонда

● Жанубий Корея чегарасидан унча узоқ бўлмаган Шимол Кореяга қарашли дам олиш уйида икки давлат мудофаа вазирларининг музокаралари бошланди. Бу ярим асрга яқин вақт ичида уруш ҳолатида бўлган икки давлат мудофаа вазирлари ўртасидаги дастлабки музокаралардир.

● Чеченистон Республикасида навбатдан ташқари Президент сайлови учун сайловолди кампанияси бошланди.

● Қатар пойтахти Доха шаҳрида Ироққа ёрдам бериш бўйича донор мамлакатларининг икки кунлик конференцияси бўлиб ўтди.

● Туркия Президенти Аҳмад Неждет Сезер Туркиянинг Европа Иттифоқига аъзо бўлиб киришини ташкил этиш мақсадида мамлакат конституциясига ўзгаришлар киритиш тўғрисидаги қонунлар лойиҳасига имзо чекди.

● Гаити ва доминикан республикалари худудидида кучли ва давомли ёмғир ёғиши оқибатида ер қўчиши ва сув тоқинларидан юз берди. Натижада 500 нафардан ортиқ киши ҳаётдан кўз юмди.

ПОЙТАХТНИНГ Бир кўни

Янгиликлар, воқеалар

ҚИСКА

● **БУГУН** Меҳр ва муруват йили муносабати билан Алишер Навоий номидаги Ўзбекистон Миллий боғида 21, 22-Меҳрибонлик уйлари тарбияланувчилари, 4, 105, 66-мактаб-интернат ўқувчилари иштирокида хайрия тадбири бўлиб ўтди.

Иқтисодий

БЕЖИРИМ
ЁДГОРЛИК
БУЮМЛАРИ

Халқимизда «Хунар — хунардан унар», «Хунарли киши хор бўлмас» деган нақллар бежиз айтилмаган. Бозор иқтисодиёти шароити талабларидан келиб чиққан ҳолда тадбиркор Александр Шимолдин халқ хунармандчилиги соҳасида ўзини синаб қурмоқчи бўлди.

2000 йилда иш бошлаган тадбиркорнинг сополдан тайёрланган бири биридан чиройли, қўркам, сифатли, айниқса, миллий руҳни ўзида мужассамлаштирган ёдгорлик буюмлари бугунги кунга келиб нафақат пойтахтликлар, республикаими, ҳатто узок хорижий давлатлардаги хонадонларни ҳам беэаб турибди.

20 турдан ортиқ мазкур маҳсулотлар маҳаллий хом ашёдан — қизил ва оқ туپроқ 920 даража қиздирилиб, тайёрланади. Улар одамчалар, лаган, ликобча, китоб, дарахт, жониворлардан иборат бўлиб, рангли бўёқларда чиройли безакланади. Бу маҳсулотлар ўз харидорларини топаётгани, турлари қўлайиб бораётгани хунарманднинг изланишлари самарасидир.

Яқиндан хунарманд магнитли буюмларни ясашни ҳам йўлга қўйди, 10 хилга яқин мазкур маҳсулотлар ҳам харидорларни мамнун этмоқда.

«ЛАЗЗАТ»НИНГ
МАЗАЛИ
ШИРИНЛИКЛАРИ

Меҳмоннавоз халқимиз дастурхонини ширинликларсиз тасаввур қилиб бўлмайди. Айниқса, бу ширинликлар сифатли, нархлари арзон, асосийси юртимизда ишлаб чиқарилган бўлса, қалбингиз гурурга тўлади...

Ҳозирги кунда пойтахтимизда «АПКО Лаззат» қандолатчилик фабрикасида ишлаб чиқарилаётган 100 дан ортиқ турдаги харидорбоп маҳсулотлар савдо шохобчалари, бозорларида сотилмоқда. Анча йиллар қийин аҳволда қолган, аммо юртимизда тадбиркорларга яратилаётган имкониятлар ва шарт-шароитлардан фойдаланиб, яъни, хорижий инвестициялар туфайли мазкур корхона ўз «қадини» кўтарди.

Хилма хил қандолатчилик маҳсулотлари — «Тошкент», «Саодат», «Карнавал», «Виктория», «Феруза», «Ассорти» каби шоколадлар, кўплаб мева-вали карамеллар чиройли, бежирим қадоқланган, турли ҳажмдаги шоколадли вафлилар, совгабоп қўркам кутилар, қадоқланган «Лаззат», «Феруза», «Олмадон», «Шоколадли олча» каби шоколадли конфетлар, турли-туман мазали, хушхўр печенье-лар Бухоро, Навоий шаҳарларида, Қорақалпоғистон Республикасига мунтазам жўнатишмоқда.

Шунингдек, Афғонистон ва Тожикистон давлатларидан ҳам буюртмаларга лойиҳалар устида кизгин ишлар амалга оширилмоқда.

Муҳаббат
ХАБИБУЛЛАЕВА.

Ўзбекистон Республикаси Президентининг
ФАРМОНИЎЗБЕКИСТОН ХОТИН-ҚИЗЛАР ҚЎМИТАСИ
ФАОЛИЯТИНИ ҚЎЛЛАБ-ҚУВВАТЛАШ БОРАСИДАГИ
ҚЎШИМЧА ЧОРА-ТАДБИРЛАР ТЎҒРИСИДА

Давоми. Боши 1-бетда.

3. Қўйидагилар: Ўзбекистон Хотин-қизлар қўмитасининг ишчи аппарати бошқарув ходимларининг умумий чекланган сони 18 кишидан иборат бўлган тузилмаси;

Қорақалпоғистон Республикаси, вилоятлар ҳамда Тошкент шаҳри, шаҳарлар ва туманлар хотин-қизлар қўмиталарининг, шунингдек, Қорақалпоғистон Республикаси Вазирлар Кенгаши Раисининг, вилоятлар ҳамда Тошкент шаҳри, шаҳарлар ва туманлар ҳокимликлари - тегишли хотин-қизлар қўмиталари раисларининг ишчи аппаратлари тузилмалари маъқуллансин.

4. Республика «Маҳалла» хайрия жамғармаси ва Ўзбекистон Хотин-қизлар қўмитасининг 2004 йил 1 июлдан бошлаб фуқаролар йиғинлари кенгашлари аппарати тузилмасига тарбиячи-педагог лавозими ўрнига;

худудда камидан 500 оила яшайдиган маҳаллаларда;

таркибиди маҳаллалар ташкил қилинмаган посёлка, қишлоқ ва овулларда диний маърифат ва маънавий-ахлоқий тарбия масалалари бўйича маслаҳатчи лавозимлари жорий этиш тўғрисидаги таклифлари қўллаб-қувватлансин.

Диний маърифат ва маънавий-ахлоқий тарбия масалалари бўйича маслаҳатчиларнинг лавозим маошлари ягона тариф сеткиси бўйича 5 (қишлоқ жойларда) ва 6

(шаҳарларда) разрядлари даражасида белгилансин.

Маҳаллалар аппарати тузилмасини қайта қўриб чиқиш ва янги штатлар жадвалига мувофиқ янги лавозимлар билан тўлдирish бора-бора масъулият шахсан туман (шаҳар) ҳокимлари ҳамда маҳалла, посёлка, қишлоқ ва овул фуқаролар йиғини кенгашларининг раислари зиммасига юклатилсин.

5. Туман (шаҳар) ҳокимликлари: фуқароларнинг ўзини ўзи бошқариш органлари билан биргаликда диний маърифат ва маънавий-ахлоқий тарбия масалалари бўйича маслаҳатчи лавозимларига ҳаёт тажрибасига эга бўлган, аҳолига, биринчи навбатда ёшларга соғлом турмуш тарзини қарор топтириш, ибратли миллий-диний анъаналар ҳамда урф-одатларни сақлаб қолиш ва ривожлантириш масалаларида ижобий таъсир ўткази оладиган энг обрўли ва фаол хотин-қизларни тайинласинлар;

қилинган ишларнинг натижалари тўғрисида 2004 йилнинг 1 декабрига қадар Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари ахборот тақдим этсинлар.

6. Хотин-қизларнинг нодавлат нотижорат ташкилотларини тузиш ҳамда уларнинг ишини ташкил қилиш борасидаги фаолиятни тартибга солиш мақсадида Адлия вазирлиги (А.Полвонзода) Ўзбекистон Хотин-қизлар қўмитаси, унинг жойлардаги бўлимлари билан

биргаликда 2004 йилнинг 1 нояб-рига қадар «Нодавлат нотижорат ташкилотлари тўғрисида»-ги Ўзбекистон Республикаси Қонунига мувофиқ хотин-қизларнинг республика ва минтақавий нодавлат нотижорат ташкилотларини рўйхатга олиш ҳамда қайта рўйхатга олиш бўйича зарур қўмак ва ёрдам берилишини таъминласин.

7. Ўзбекистон Республикаси Молия вазирлиги (М.Нурмуродов) 2004 йилнинг 1 июлидан бошлаб: ушбу Фармонга мувофиқ Ўзбекистон Республикаси Хотин-қизлар қўмитаси, Қорақалпоғистон Республикаси Вазирлар Кенгаши Раисининг, вилоятлар ва Тошкент шаҳри, шаҳарлар ва туманлар ҳокимлари ўринбосарлари - тегишли хотин-қизлар қўмиталари раисларининг ишчи аппаратлари-га қўшимча равишда киритилаётган лавозимларни;

тарбиячи-педагог лавозимларини тугатиш натижасида бўшай-диган маблағлар ҳисобига фуқаролар йиғинлари кенгашларининг аппаратларидаги диний маърифат ва маънавий-ахлоқий тарбия масалалари бўйича маслаҳатчи лавозимларини таъминлашга давлат бюджетидан зарур маблағ ажрати-лишини кўзда тузин.

8. Ўзтеледиокомпания (А.Кўчимов), Ўзбекистон Матбўят ва ахборот агентлиги (Р.Шогуло-

мов), ЎЗА (М.Ҳазратқулов) Ўзбекистон Хотин-қизлар қўмитаси билан биргаликда хотин-қизлар жамоат ташкилотларининг мамлакат иқтисодий-сиёсий, социал-иқтисодий ва маданий ҳаётида тўлақонли ишти-роқ этишларини таъминлашга қаратилган фаолиятини кенг ёри-тиш тавсия этилсин.

9. Тошкент шаҳар ҳокимлиги (Р.Шоабдурахмонов) икки ой му-датда Ўзбекистон Хотин-қизлар қўмитаси аппарати-ни жойлашти-риш учун бино ажратсин.

10. Ўзбекистон Республикаси Адлия вазирлиги (А.Полвонзода) Ўзбекистон Хотин-қизлар қўмитаси, бошқа тегишли вазирликлар ва идоралар билан биргаликда бир ой мудатда қонунчиликка ушбу Фар-мондан келиб чиққан ҳолда кирити-ладиган ўзгариш ва қўшимча-лар тўғрисидаги таклифларни Ва-зирлар Маҳкамасига тақдим этсин.

11. Ўзбекистон Республикаси Президентининг 1995 йил 2 март-даги «Ўзбекистон Республикаси-нинг давлат ва иқтисодий қурили-шида хотин-қизлар ролини оши-риш чора-тадбирлари тўғрисида»-ги Фармонининг 3-банди ўз қучи-ни йўқотган деб ҳисоблансин.

12. Мазкур Фармоннинг ижро-сини назорат қилиш Ўзбекистон Республикаси Бош вазири ўрин-босарлари С.Иномова ва Р.Азиз-мов зиммасига юклатилсин.

Ўзбекистон Республикаси Президенти
И.КАРИМОВ

Тошкент шаҳри,
2004 йил 25 май.

Баҳорги қақирқик

БАРКАМОЛ

ЎҒЛОНЛАР САФИ ОРТМОҚДА

Қуролли Кучларимизда ўтказилаётган ислохотлар Миллий армиямиз саф-ларининг жисмонан соғлом, маънан етук ўғлонлар билан тўлдирилишига, қақирув ва резервчилар тайёрлаш тизимини юқори поғонага кўтаришга хиз-мат қилмоқда. Бу йил Вазирлар Маҳкамасининг «Муддатли ҳарбий, муқо-бил хизматининг белгиланган муддатларини ўтаб бўлган фуқароларни бўша-тиш ҳамда Ўзбекистон Республикаси Қуролли Кучларига навбатдаги ча-қирув тўғрисида»-ги қарори олдингиларидан бир мунча фарқлироқ эълон қилинди. Бунинг замирида ҳам Ватанга хизматининг муқаддас бурч ва шон-шараф ишига айлишни каби эзгу мақсадлар, мардлик ва ватанпарварлик тарбиясини ўтаган йигитларнинг ишга ва ўқишга жойлашишларида қатор имтиёзларни яратиш кўзда тутилди. Айни кунларда эса шаҳар ва туман мудофаа бўлимларида хизматга отланган ўғлонларимиз Миллий армиямиз сафларига ўз йигитлик бурчларини ўташ учун кузатишмоқда. Биз Мирзо Улугбек тумани мудофаа ишлари бўлимида бўлиб баҳорги қақирқикнинг қай даражада олиб борилаётгани билан қизиқдик.

— Янги тақрирда қабул қилинган «Уму-мий ҳарбий мажбурият ва ҳарбий хизмат тўғрисида»-ги қонун ва Вазирлар Маҳкамаси-нинг жорий йилдаги Қуролли кучларига қақирув ҳақидаги қарорига мувофиқ 1 апрелдан баҳорги қақирқик юмушлари бош-ланиб кетди, — дейди, туман мудофаа иш-лари бўлими бошлиғи, полковник Раҳма-тулла Тошхўжаев. — Бу қақирқик хизматни ўташи лозим бўлган 1977-1986 йилларда ту-зилган ўсмирлар жалб қилинди. Шунга ай-тиш лозимки шу кунгача улар ўзлари ўқиёт-ган мактаб, лицей ва коллежларда ҳарбий хизмат ҳақида илк тушунчага эга бўлганлар. Бўлимимиз ходимлари ўқув юртлари, мак-таб ва маҳаллаларда бўлиб хизматга қақир-илувчи ёшлар билан тушунтириш ишларини олиб бордилар. Мудофаага қўмаклашувчи «Ватанпарвар» ташкилотининг Тошкент ша-ҳар бўлимида ўқиб алоқачи, парашютчи, «С» тоифаси бўйича ҳайдовчи каби касбларни эгаллаганлари ҳам талайгина. Бу эса хизмат давомидида жуда ҳам асқотади.

— Қақирилувчиларнинг тиббий қўриқдан ва тест синовларидан тўлиқ ва кўнгилдагидек ўтишлари учун қақирув пунктда яра-тилган шарт-шароитлар ҳақида ҳам тўхта-либ ўтсангиз.

— Хизматга отланган йигитларнинг тўлиқ тиббий қўриқдан ўтказилиши учун мудофаа

бўлимимизда барча шарт-шароитлар яратил-ган. Утган йили кўзда биз янги, замонавий тиббий асбоб-анжомларни олдик ва ҳар бир йўналишдаги шифокорни керакли меди-цина анжомлари билан таъминладик. Тиббий



комиссиямизда олий тоифадаги шифокор-лар хизмат қилишади. Улар шу ернинг ўзи-да барча лаборатория таҳлиллари ўтказиб, ҳар бир қақирилувчига кўнгилдагидек хиз-мат кўрсата оладилар. Энди ўсмирларнинг тайёргарлик масаласига келсак бу борада баҳорги қақирқик бошланмасдан олдин тай-ёргарлик юмушларини бошлаб юборган эдик. Танловда иштирок этган йигитлар Ва-танга хизмат қилишининг шарафли, айна вақ-тда масъулиятли вазифа эканини яхши ту-шуниб етмоқдалар, деб ўйлайман. Керак

бўлса ота-оналар билан биргаликда суҳбат-лар ўтказамиз. Ҳар бир ўсмирнинг оилавий шароити, соғлиғи, тест синовлари натижа-ларининг барчаси синчиклаб ўрганиб чиқи-лади. Токи Қуролли Кучларимиз сафларига ақлан ва маънан лойиқ бўлган йигитларнинг боришлари учун ҳаракат қилинади.

— Жамоат ташкилотлари билан ҳамкор-ликда ишлаш ҳам яхши натижаларни бе-ради. Шундай эмасми?

— Ҳа, албатта. Мен буни алоҳида таъ-кидлаб ўтишни хоҳлар эдим. Маҳаллалар-нинг бизга кўрсатаётган ёрдамлари жуда катта. Биз мунтазам Охунбобоев, Ф.Хўжа-ев, Амир Темур, «Бўз-8» маҳаллалари фа-оллари билан учрашиб тураемиз, ҳамкорлик-да муаммолар ечимини тезда ҳал қиламиз. Туман «Маҳалла», «Нуроний» жамғармалари ва «Камолот» ёшлар ижтимоий ҳаракати ту-ман бўлими кенгаши, туман мудофаага қўмаклашувчи «Ватанпарвар» ташкилоти билан яқин ҳамкорликда ишлаймиз.

Бу билан ишларимизнинг ҳаммаси жой-ида, ҳеч қандай камчилик йўқ дедимки эмасман, албатта ҳали қилидиган юмушлар-имиз кўп. Чунки кенг ислохотлар олиб борилаётган, Миллий Армиямиз сафлари жисмонан соғлом, ақлан баркамол ўғлон-лар билан тўлдирилаётган, Ватанга хизмат қилишнинг шараф деб тушунаётган йигит-лар сафи тобора ортиб бораётган бу кун-ларда биздан янада масъулиятли бўлиш та-лаб этилади. Ўсиб келаётган ёшларни ва-танпарвар, ўз юртининг фидойиси, ор-но-мусли, гурурли бўлиб вояга етишларига биз ҳам ўзимизнинг муносиб ҳиссамизни қўшимчимиз лозим. Ватан қўриқчиси, ҳар-бий бўлишининг нақадар шарафли, айна вақтда жуда масъулиятли эканини ҳар бир ёшга еткази олиш ва бу туйғуни улар қал-бига синдириш бизнинг вазифамиз бўлмоғи лозим, деб ўйлайман.

Биз Мирзо Улугбек туман мудофаа иш-лари бўлимидан кўнгилмиз тўлиб қайтдик. Зеро, ўз ишининг жонқуярлари хизмат қилаётган жойда албатта тартиб-интизом, аниқ мақсад сари интилиш ишининг муваф-фақиятини белгилайди.

Шахноза МАҲМУДОВА
СУРАТДА: Мирзо Улугбек тумани
мудофаа ишлари бўлими фаолиятдан
лавҳа.

Тоҳир Нигматуллин
олган сурат.

Саъят

ИТАЛИЯ
МУСИҚАСИ
ТОШКЕНТДА

Пойтахт аҳли Италия муסיқаси оқшомидан лаззат олди. Уч кун давомида пойтахтликлар учун жаҳоннинг му-
сиқа ва санъат белан-
чаги ҳисобланмиш Ита-
лияда ижод қилган
машҳур бастакорлар
асарлари ижро этилди.

Улардан иккитаси Ўзбе-
кистон Давлат консерва-
ториясида бўлиб ўтди. Бу
ерда Миллий симфоник ор-
кестр, Ўзбекистон Давлат
хор капелласи, Алишер На-
войи номидаги Катта акаде-
мик театр солистлари иж-
росида Вердининг «Рекви-
ем» асари тингловчилар
эътиборига ҳавола этилди.

Италия муסיқасининг
сўнги кун эса «Уйғониш
давридан XX асрга қадар»
деб номланди. Ўзбекистон
Давлат консерваторияси
сахнасида Италия хонанд-
лари Сандро Наля ва Ва-
лентина Каладонато ўз
қўшиқларини тақдим этди-
лар. Муסיқа оқшомлари
Италиянинг Тошкентдаги
элчихонаси кўмагида ўт-
казилди.

«ГИТАНЖАЛИ»

ЎЗБЕК ТИЛИДА

Робиндранат Тагор-
нинг «Гитанжали» дос-
тони ўзбек тилига
тўлиқ таржима қилина-
ди.

Бу ҳақда Ҳиндистон ма-
даният марказида ўтказил-
ган ижодий кечада маълум
қилинди. Машҳур ҳинд шо-
ири ва сиёсат арбоби Ро-
биндранат Тагор таваллуд
топган кунга бағишлаб таш-
кил этилган ушбу кечада
ҳиндшунос олимлар, Тагор
ижоди мухлислари ишти-
рок этди. Тадбирда Ўзбеки-
стоннинг Ҳиндистондаги
элчиси Суръат Мирқосимов
«Робиндранат Тагор: ҳаёт
ва ижод йўли» мавзuida
маъруза қилди. Нотиқ таъ-
кидлаганидек, Тагор Ҳин-
дистон тарихидаги энг
гузал саҳифаларни яратди.
Илмга, зиё тарқатишга
бўлган эътиёжи Тагорнинг
буюк шахс сифатида ном
қозонишига сабаб бўлди.
Аллома 1875 йилда, 14
ёшида биринчи шеърини
ёзган бўлса, 1913 йилда
унинг «Гитанжали» шеър-
и дostonи Нобель мукофоти-
га сазовор бўлган эди. Та-
гор шеърлари Ҳиндистон
ва Бангладеш учун миллий
гимн сифатида танлангани
ҳам шоир даҳосига эҳти-
ромдан далолатдир.

ҲАМКОРЛИҚДА-
ГИ САҲНА
АСАРИ

Икки кун давомида Тош-
кентда «Илҳом» театрининг
Британия кенгаши билан
ҳамкорликдаги биринчи
саҳна асари намоиш этил-
ди. Спектакль Ўзбекистон-
ликлар ҳаётига оид бўлса-
да, унда Буюк Британиянинг
«On theatre» и актёрлари ҳам
иштирок этди. Премьера
доирасида Британия фото-
суратчиси Адам Фридман
асарларининг кўргазмаси
ҳам ташкил этилди.

Нодирхон СОБИРОВ

Маълумки, иқтидорли ёшлар, истеъдодли ўқувчилар
мамлакатнинг мустақкам ва ишончли қаноти. Республи-
камизда ана шундай ёшларнинг ўз қобилиятлари ва зукко-
ликларини намоиш этишлари учун барча шароитлар яра-
тилган бўлиб, уларга кўрсатилаётган эътибор эса ёшлар-
ни янада руҳлантириб, илм-фан чўққиларини эгаллашлари-
да муҳим омил бўлмоқда.

Маълумлар

ИҚТИДОРЛИЛАР
ҒОЛИБ ЧИКДИ

Юртимизда иқтидорли ўқувчи-
ёшларни қўллаб-қувватлаш, улар
эришаётган ютуқ ва натижаларни
рағбатлантириш мақсадида ўткази-
лаётган турли тадбирлар ўз самара-
сини бериб, қўллаб-салоҳиятли
ёшларни кашф этишда беқиёс
аҳамиятга эга бўлмоқда.

Яқинда Тошкент автомобиль ва
йўллар коллежиди «Энг
иқтидорли ўқувчи»
кўрик-танловининг ша-
ҳар босқичи ўтказилди.

Пойтахтимиздаги ав-
томобилсозлик, авто-
транспортни таъмир-
лаш ва унда юк ташиш-
ни ташкил этиш, авто-
транспорт ҳайдовчиси
каби мутахассисликлар-
га ихтисослашган 22 та
касб-ҳунар коллежидан
келган 100 га яқин ўқув-
чилар ўз илмий салоҳи-
яти ва техник ижодкор-
лигини намоиш қилиш
учун йиғилдилар.

Кўрик-танловнинг
тантанали қисмини
Тошкент автомобиль ва
йўллар коллежи директори, техника
файлари номзоди Жасур Қулмуҳаме-
дов қисқача табрик сўзи билан очди.
Сўнгра Тошкент шаҳар Ўрта мах-
сус, касб-ҳунар таълими бошқарма-
си бошлигининг биринчи ўринбоса-
ри, қишлоқ хўжалик фанлари док-
тори, профессор Муҳаммадҷон Ҳам-
роев сўзга чиқиб ўтказилаётган
кўрик-танловнинг мақсад ва вази-
фалари ҳамда аҳамияти ҳақида тўхта-
либ ўтди.

Кўрик-танлов техник ижодиёт,
оммавий ижодиёт ҳамда автотранс-
портни бошқариш йўналишлари
бўйича ўтказилди.

Ҳақамлар ҳайъати кўрик-танлов-
нинг мутлақ ғолибини аниқлашда
бир оз қийналди. Чунки биринчи
ўринга иккита: Тошкент автомобиль
ва йўллар ҳамда Мирзо Улуғбек са-
ноат касб-ҳунар коллежларининг
ўқувчилари даъвогарлик қилмоқда
эдилар. Узоқ баҳслашув, ўқувчилар
ижодий ишлари қайта-қайта ўрганиб

чиқилганидан
сўнг ҳар иккала коллежнинг вакил-
лари биринчи ўринга муносиб деб
топилиди. Тошкент автомобиль ва
йўллар коллежи ўқувчилари У.Шо-
диев ва Т.Хусанов «Тико» автомоби-
лининг электр жиҳозлари — кўргаз-
мали макети ва Мирзо Улуғбек са-
ноат касб-ҳунар коллежининг ўқув-



чиси Ш.Юсунов «Руль бошқарма-
си» кўргазмалари жиҳози учун бирин-
чи даражали диплом ҳамда аудиоман-
итофон билан тақдирландилар. Ушбу
йўналиш бўйича Тошкент Мел-
иорация ва сув хўжалиги коллежи-
нинг ўқувчилари А.Сармонов ва
М.Уматов иккинчи ўринга, Мирзо
Улуғбек саноат касб-ҳунар коллежи-
нинг ўқувчиси Ф.Силченко учинчи
ўринга сазовор бўлдилар. Улар ҳам
кўрик-танловнинг дипломлари ва
қимматбаҳо совғалар билан тақдир-
ландилар. Булардан ташқари бошқа
йўналишлар бўйича ҳам беллашиб,
ғолибликни қўлга киритган Тошкент
автомобиль ва йўллар коллежининг
учинчи босқич ўқувчиси Равшан
Одилов, Шайхонтоҳур касб-ҳунар
коллежи ўқувчиси Илҳом Ақромов,
Тошкент транспорт касб-ҳунар кол-
лежининг ўқувчиси Андрей Шпундин-
лар ҳам дипломлар ва қимматбаҳо
совғалар билан мукофотландилар.

Булардан ташқари кўрик-танлов-



га тақдим этилган энг яхши ишлар
ҳам рағбатлантирилди. Тошкент ав-
томобиль ва йўллар коллежи раҳба-
рияти улар учун махсус мукофотлар
таъсис этди.

Биз кўрик-танловда ғолибликни
қўлга киритган коллежлар ўқувчи-
лари мураббийларининг айримлари
билан суҳбатлашдик.

Зокир Ганиев, Мир-
зо Улуғбек саноат
касб-ҳунар коллежи
касбий таълим бўйича
директор ўринбосари,
Саидакмал Муродхўжа-
ев — мазкур коллеж
директорининг автомо-
биль ҳайдовчиларни
тайёрлаш ва автотран-
спорт воситаларининг
эксплуатацияси бўйича
ўринбосари:

— Ўқувчиларимиз
кўрик-танловда иккита
ижодий иш: «Газ бал-
лонди энгил автомо-
билларни таъмирлаш
тизими кўргазмаси» ва
«Нексия» автомоби-
лининг руль механизми гидравлик ку-
чайтиргичининг ҳаракатланувчи
стенди» билан қатнашилди.

Бундай кўрик-танловларнинг
ўтказилиши биринчидан, ўзаро таъ-
риба алмашиш учун фойдалани бўлса,
иккинчидан, ўқувчиларнинг ўқув
амалиётида муайян деталларни яра-
тишда иштирокини таъминлайди.
Учинчидан эса, ўқувчилар қўли би-
лан яратилган жиҳозларни реклама
қилиш ва уларга харидор топишда
қўл келади.

Кўрик-танловнинг шаҳар босқич-
и якунланди. Унинг ғолибларини
тадбирга йиғилган устозлари, барча
яқинлари самимий табрикладилар.
Танлов ғолиблари энди республика
босқичига йўлланма олдилар. Биз
ҳам мустақил Ўзбекистоннинг кела-
жаги бўлган бу иқтидорли ўқувчи-
ёшларга омад тилаб қоламиз.

Шавкат ЕҚУБОВ

СУРАТЛАРДА: «Энг иқтидорли
ўқувчи» кўрик-танловидан лавҳалар.

Мамлакатимизнинг ҳар бир
вилоятида ўзига хос йўналиш-
га эга бўлган кулолчиликнинг
турли мактаблари, қўли гул у-
сталар ҳақидаги лавҳалар ушбу
фильмлар асосини ташкил эта-
ди. «Ўзбекистон кулолчилиги»,
«Кулол меҳри», «Тупроқдаги
мўъжиза», «Хоразмнинг на-
қшинкор кулолчилиги», «Супо-
ла давомчилари» деб номлан-
ган ушбу фильмларни муҳаррир
Назиха Каримова билан Ўзбе-
кистон Бадиий академияси
аъзоси Акбар Раҳимов ҳамкор-
ликда сураат олдилар.

«Ўзбектеелефильм» студиясида
фильм ижодкорлари, санъатшу-
нослар ва журналистлар ишти-
рокида бўлиб ўтган тақдиротда
ушбу кино лентанинг яратилиш
жараёни ҳақида сўз борди.

Фильмларда кулолчилик
мактаби вақтларининг ижод
намуналари, ишлаш жараёни,

ижод услубидан лавҳалар на-
моиш этилган. Кулол чархиди
яратаетган кўзалари, қўлда яса-

мактаби вакиллари Раҳимовлар
сулоласи асос қилиб олинган.
Фильм монокол тарзида яратил-

Мақдони

КУЛОЛЧИЛИК
САНЪАТИ СЕҲРИ

Кейинги пайтларда «Ўзбектеелефильм» студиясида
ЮНЕСКО халқаро ташкилоти билан ҳамкорликда
«Ўзбекистон кулолчилиги» рунки остида 5 та ҳужжат-
ли телевизион фильмлар яратилди.

ётган турли хил хум ва кўзалар,
ўйинчқоқ ҳайкалчаари томоша-
бинда катта қизиқиш уйғотади.
«Супола давомчилари» деб
номланган фильмда ўзбек ку-
лолчилик санъатининг Тошкент

ган бўлиб, Акбар Раҳимовнинг
ўз отаси, санъатшунос Муҳид-
дин Раҳимов, ўзи ва ўғли Али-
шер ҳақидаги ҳикояси фильм
мазмунини ташкил этади. Уста
Муҳиддин Раҳимовнинг ижоди,

унинг илмий фаолияти, яратган
кулолчилик санъати намуна-
лари, ёзган илмий асарлари
фильмда батафсил ёритилган.

Акбар Раҳимовнинг отаси ва
ўғли ҳақидаги ҳикояси жонли ва
қизиқарли бўлиб томошабинни
ўзига жалб этади. Фильмда на-
фақат Тошкент мактаби, балки,
унтилиб кетган турли услублар-
нинг тикланиши, кулолчилик
тарихи ҳақида ҳикоя қилинади.
Бу туркум фильмини ўзбек кулол-
чилик санъати ҳусусиятларини
очиқ беришдаги мукамил асар
дейиш мумкин. Чунки унинг ҳар
бир лавҳасида машаққатли меҳ-
натнинг, тинимсиз изланиш ва
интилишнинг гўзал намунаси
қўз ўнгимизда намоён бўлади.
Ўзбекона қадриятларимиз яққол
қўзга ташланади, авлодлар
санъатига, меҳнатига қўли му-
ҳаббат уйғотади.

Гулнигор САТТОРОВА

Дуалашу

Масао КОБИКИ:

«ҲАЙРАТ ВА ҲАВАС БИЛАН БОҚАМАН»

Маҳалла миллатининг мустаҳкам кўрғони.

Миллий урф-одатларимиз, маросим ва анъаналаримиз, буюк қадриятларимиз мана шу Ватан ичра кичик ватан ҳисобланмиш маҳаллаларда сайқал топади, янгилаб тус олиб қон-қонимизга сингиб боради. Айниқса, мустақилликка эришилган ilk даврлардан бошлаб кўрсатишган эътибор туфайли маҳаллалар кундан-кун обод бўлиб, тинчлик-осойишталик, дўстлик-биродарлик масканига айланиб бормоқда. Узини-ўзи бошқариш тизимининг энг ноёб кўриниши бўлмиш маҳаллаларга наинки Республикада, балки энг тараққий этган чет давлатларда ҳам катта қизиқиш билан қаралмоқда. Айнан мана шу мавзуда фикр билдириш ниятида тахририятимизга кириб келган япониялик меҳмон Масао Кобики жаноблари билан суҳбатимиз ҳам маҳалла ва унинг бетақдор урф-одат ва маросимлари ҳақида бўлди. Ўзбекистондаги маҳаллаларда бўлиб бу тизимни чуқур ҳайрат билан ўрганаётган ҳуқуқшунос олимга бир неча савол билан мурожаат этдик.

— Азиз меҳмон, серкўёш динимизга ҳуш келибсиз. Аввало оқшомхонларга ўзининг таниш-танисангиз. Маҳалла ҳақида ilk маротаба касрда эшитганингиз ва унинг қайси жиҳатлари сизни қизиқтириб қолгани, неча йилдан бери шу мавзу бўйича иш олиб бораётганингиз ҳақида гапириб берсангиз.

— Японияда туғилиб ўсганман, — дея ўз суҳбатини бошлади меҳмонимиз. — Она-юртим ҳақида ҳар қанча фахрланиб гапирсам ярашади. Халқимиз худди ўзбекистонликлар каби меҳнаткаш, меҳмондўст. Мен у ерда адвокатлик вазифаларида ишлаганман. Бундан 30 йил илгари маҳалла ҳақида эшитган эдим. У вақтда Эрон, Покистон, Ўрта Осиё давлатларида ҳам маҳаллага ўхшаган тизим бўлар эди.

Лекин Ўзбекистондаги маҳалла бутунлай бошқача. Ўша вақтдаёқ ушбу тизимни тубдан ўрганамади, деб ният қилган эдим. Мана, 64 ёшда пенсияга чиқиб бу ишга астойдил киришганман. Ойлаб маҳаллаларда бўлганман. Бу йил Тошкентдаги маҳаллаларни ўрганипман. Кейинги йиллар Бухоро, Самарқандда бўлганман. Шайхонтоҳур туманидаги «Тинчлик», Мирободдаги «Темирйўлчи», «Сариқўл», Юнусободдаги «Уста Ширин» каби маҳаллалардаги тадбирларда бевосита иштирок этдим.

Мен ilk бор маҳаллаларда бўлганимда маҳалла оқсоқоли, хотин-қизлар, комиссияси фаолияти, кам таъминланган, кўмакка муҳтож инсонларга кўрсатиладиган эътибор ва ғамхўрликни кўриб тўғриси ҳайратини яширолмадим, ҳайрон бўлиб қолдим. Ахир ҳамма ерда ҳам ёнма-ён яшаётган қўнига беминнат, бештама ёрдам беравермайдими. Мана яқинда Ўзбекистон телевидениеси орқали намойиш қилинган «Ошин» телесериалини кўраганим. Ахир бизда ҳам маҳалла деган жамoa бўлганда эди, у шунчалик қийналмас эдику, деб ўйлаб кетаман. Демокриманки, маҳалланинг энг яхши ҳусусиятларидан атиги бир фоида олиб кетсам ва юртимда табиқ қила олсам эди, ўтаётган умрим ва меҳнатим бекор кетмади, дердим.

— Япония дунёдаги энг тараққий этган давлатлар қаторидан ўрин олган. Айниқчи у ерда ҳам



маҳаллага қайси бир жиҳатлари билан ўхшаб кетадиган бирон жамoат ташкилоти борми? Ўзини-ўзи бошқариш институти ҳақидаги сиз олиб борадиган таассуротлар, тадқиқотларингиз орқали мамлакатингизда ҳам шунга ўхшаб тизимни жорий қилиш мумкин деб ўйлайсизми?

— Японияда ҳам бундан 60-70 йил илгари «Тонари—туми» номи



билан маҳаллага ўхшаб норасмий ташкилот бўлган эди. Лекин у ташкилот фақат давлат қонуниларини фуқароларга етказишга хизмат қилган. Лекин у ҳозир тарқаб кетган.

Айтиш мумкинки, ҳар бир мамлакатда ҳам у қандай давлат бўлмасин, ёлғизлар, қариялар, ёрдамга муҳтож қатламлар бўлади. Бизда ундай инсонларга давлат томонидан ёрдам берилсади, лекин одамлар ўртасида бундай туйғулари йўқ. Бир том остидаги одамлар бир-бирларини ҳатто танимайдилар. Мен мана шу ноёб туйғулари ҳақида кўпроқ билсам, ўз юртимга ҳам шу билган нарсаларимнинг ақалли өзгинасини етказсам деб ўйлайман. Маросимларнинг уюшиб ўтказилиши, бир-бирига кўрсатиладиган ёрдам, бу жуда катта иш, мен бу тўғриси китоб ёзмоқчиман. Тобора ривожланиб, тараққий этаётган юртимизда меҳр-оқибатни сақлаб қолишга ҳисса қўшмоқчиман.

— Сизни қўлаб-қувватловчилар тоқлармикан?

— Ҳа, албатта. 30 йилдан бери бу соҳада иш олиб бораман. Японияда ҳар ойда напир қилинадиган журналим бор. Мен уша журнал саҳифаларида «Буюк Ўлжас йўли» ҳақидаги мақолаларни мунтазам ёритиб келаман. 700 нафардан ортиқ мени қўлаб-қувватловчи фуқаролар бор. Журналининг номи — «Харбуза». Ёзмоқчи бўлаётган китобим катта бўлади. Чунки Ўзбекистон маҳаллаларини ўрганган одамнинг бу

тизимга ҳаваси келмай илжожи йўқ. 20-30 йиллар орасидаги ўзгариш, янгиланишларни таҳлил этган ҳолда илмий мақолалар ёзмоқчиман.

— Япония ва Ўзбекистон халқларининг бир-бирига ўхшашилик жиҳатлари қандай.

— Биласизми, бундан бир неча йил олдин Ўзбекистондан Японияга ўқишга борган ёшлар меининг уйимда туришган эди. Уларнинг ақлу одоби, каттага — ҳурмат, кичикка иззати, ота-онага кўрсатиладиган ҳурмат-эҳтиромини, худди биздагидек тартиб-ишқомини кўриб қўйиб қолдим. Ўртаимизда ҳеч қандай келишмовчилик бўлмади. Уларга жуда яхши тарбия берилган экан. Халқимиз меҳнаткаш, ғайратли. Шу

жиҳатларида ўхшашликни кўраман.

Ўзбекистон бутунги кунда ҳуқуқий демократик давлат қуриш йўлидан бормоқда. Қийинчиликлар бўлиши табиий.

Ахир бирданига ҳамма нарсасига эришиб бўлмайди-ку. Одамлар ҳам аста-секин буни тушуниб бораверадилар. Ҳуқуқий сододхонлик ошган сари вазифа ва бурчларини тўлароқ англаб етдилар. Мен ишонаманки Ўзбекистон дунёдаги энг ривожланган давлатлар қаторидан ўрин олади. Япония ҳам II-жаҳон урушидан кейин қай аҳволда эди, Жанубий Корея ҳам мана шундай. Ҳар соҳада буюк ислохотлар олиб бораётган давлатнинг эртанги кунини, истиқболлига ишонмоқ керак.

Сўзининг охирида ҳурматли Президент Ислам Каримов бошчилигида инсонийлик, бағрикенглик сисбатини олиб бораётган меҳнаткаш ўзбек халқига фаровонлик, юксак тараққиёт тилайман. Тинчлик-хотиржамлик асло сизларни тарқ этмасин. Маҳалла, ҳашар каби ўлмас қадриятларингиз бундан ҳам ривожлансин. Давлат ва халқ ўртасида бўлишга, катта кўприк бўлиб хизмат қилаверсин.

Шоира МУҲАМЕДОВА суҳбатлашди

СУРАТЛАРДА: япониялик меҳмон, археолог, ҳуқуқшунос, маҳаллани ўрганиш маркази ходими Масао Кобики ўзбек маҳаллаларида.

Кунни кеча ана шундай ибратли тадбирлардан бири «Сарҳуддон» маҳалласида бўлиб ўтди. Меҳр ва мурувват йили муносабати билан маҳалладаги уруш ва меҳнат фахрийлари, нуруний отахон ва онахонлар бир пиёла чойга тақлиф этилиб, улар учун дийдорлашув дастурхони тузалди.

— Азиз маҳалладошлар, юртимиз ривожига шу кунга қадар ўзининг муносиб ҳиссасини қўшиб келаётган фахрийларимиз, ҳаёт синонларида тобланган табарруқ отахон ва онахонлар, ҳаммаша соғ-саломат бўлишлар. Мустақил дийримизнинг нури кўнларини кўриб юриш сизларга насиб этсин, — деди тадбирда сўз олган маҳалла фуқаролар йиғини раиси Махмуд Рашидов. — Ёшларимизни тўғри тарбиялаб, Ватанга муносиб фарзанд қилиб воёга етказишда сизнинг бой ҳаётини тажрибангиз, панду-насихатларингиз катта

аҳамиятга эга. Ахир бежиз «Отанг маҳалла, онанг маҳалла», — деб айтилмаган. Сизнинг

2004-Меҳр ва мурувват йили

НУРОНИЙЛАР ДИЙДОРЛАШДИ

Жорий йилда меҳр-оқибатли инсонлар сафи ортиб, беморлар, ёшларга муҳт инсонлар ҳолидан хабар олиш, уларга моддий ва маънавий кўмак бериш каби хайрли тадбирлар тез-тез ўтказилиб келинмоқда.


бевосита беминнат кўмагингиз билан ор-номусли, ватанпарвар, имон-эътиқодли авлодни тарбиялаймиз.

Шунингдек, меҳр-оқибат тадбирида туман «Маҳалла» жамғармаси раиси Равшан Обидов ҳам уруш ва меҳнат фахрийларига ўз дил сўзларини айтиб, осойишталикни сақлаш, оғоҳ ва ҳушёр бўлиш, тинчликдек улуг неъматни асраб-авайлаш барчаннинг бурчи эканлиги ҳақида ҳам алоҳида тўхталиб ўтди.

Тадбирга йиғилганлар мумтоз наволар янграган ушбу даврада ўтган оғир кўнлар, сафларидан эрта кетган сафдошлари ҳақидаги хотираларни ёдга олдилар, бугунги тинч, осуда кечаётган кўнларимизга шукроналар айтдилар.

Тадбир сўнггида маҳалла оқсоқоли фахрийларга эсдалик совғалари ва моддий ёрдам пулларини топширди. Саховатли инсонлар томонидан ёзилган ушбу дастурхон кексалар кўнглини кўтариб, илиқлик бахш этди.

Азиза МУҲАМЕДОВА



Дарҳақиқат, халқимизда маҳаллани «Ватан ичра кичик Ватан», «Маҳалла обод бўлса юрт обод» деб бежиз айтишмаган. 3922 нафар аҳоли истиқомат қилаётган Собир Раҳимов туманидаги Ислам ота маҳалласига борганимизда ушбу сўлим гўшада фахрийлар иштирокида катта тадбир ўтказилаётганига гувоҳ бўлдик. Иккинчи жаҳон уруши қатнашчиларидан Юсуф Тоҳиров, подполковник Виктор Сольцов, майор Эркин Холмухамедов ҳамда маҳалла фаоллари иштирок этаётган даврага биз ҳам қўшилдик. Қўшни «Навбахор» маҳалласидан оқсоқол Носирхўжа Абдувахобовнинг кириб келиши билан даврага янада файз кирди, суҳбат қизигандан қизиди. Дўстлар яна дийдор қўришгандан бир-бирларини савимий кутлашди. Ёшларга узок умр, сихат-саломатлик, бахт-саодат, юртимизга тинчлик-тотувлик, осойишталик тилаб дуолар қилишди.

—Маҳалладан ҳеч нарсани аямаймиз. Меҳрли, саховатли бўлишга нима етсин, — дей-

ди иккинчи жаҳон уруши қатнашчиси Зикрилла ота Мусоев. — Ёшларимиз моддий жиҳатдан қийналган, кимдир икки оғиз ширин

МУҚАДДАС КЎРҒОН

Бола тарбияси ёшлигидан, Ватан тушунчаси эса маҳалладан бошланади. Маҳалланинг улуглиги шундаки, унда «одамзод» деб аталмиш буюк ва муқаррам мавжудот ҳаёт кечиради. У дунёга келган кунданок ўсиб, улғайиб воёга етгунга қадар озук олади, тарбия топади.

сўзга муҳтож. Ана шундай инсонларнинг кўнглини кўтариш, қалбидан ўрин эгаллаш Каъбани минг марта зиёрат қилгандек катта савоб экан.

Маҳаллада болалар спортнинг волейбол, баскетбол, теннис, кураш турлари бўйича шуғулланаётгани, компьютер ва бошқа 3-4 ойлик ўқув курсларида тахсил олишаётгани, қўли

гул чевар қизларнинг эса бўш вақтларида уқалаш, тикувчилик, каштачилик сир-асрорларини пухта эгаллаётганликлари кўнглимиз-

ни тоғдек кўтарди.

Ҳозир Ислам ота маҳалласида янги спорт майдончалари ташкил этиш, уларни замонавий техник жиҳозлар билан таъминлаш, кўп қаватли бинолар қoшида шинамгинга боғча барпо этиш, ёшларни жисмонан ва ақлан баркамол авлод қилиб воёга етказиш борасида маҳалладаги хотин-қизлар комиссияси, про-

филактика нозирлари, назоратчи посбонлар, қисқаси барча маҳалладошлар бирдамликда кенг қўламдаги ишларни олиб боришмоқда. — Яқинда кўп қаватли бинолар қайта таъмирланди, очик майдонларда 285 та дарахт, 719 туп гул қўчатлари экилди. Қўчалар тозаланди. Уруш ва меҳнат фахрийлари, ногирон, шароити оғир хонадонларга «Назар Азамат», «Ал Ҳасанбой» хусусий дўконлари ҳамкорлигида моддий ёрдам кўрсатилди, — дейди маҳалла оқсоқоли Абдурахим ота Абдуллаев.

Ҳақиқатдан ҳам Ислам ота маҳалласидан қайтар эканмиз профилактика нозири Улугбек Ибрагимовнинг 2003 йилда ушбу гўшада иккита ўғрилиқ содир этилган бўлса 2004 йилнинг шу кунига қадар бирорта ҳам жиноят содир этилмади, деган сўзидан кўнглимиз тўлди. Зеро маҳалла ота-она каби муқаддас. Унинг бир сиким тупроғини ҳам авайлаб-асраб ҳар бир фуқаронинг бурчи, фарзи демакдир.

Юнус АСРОРОВ

лозим. Умид билан ўстирилиб қўйилган фарзандларимиз Маҳалла фаоллари

ТИНЧЛИК — ЭНГ УЛУГ НЕЪМАТ

Тинчлик — дунёдаги энг улуг ва азиз неъмат. Бугунги кунда бутун дунёда содир этилаётган террорчилик ҳаракатлари ушбу сўзнинг нақадар қадрли эканини, уни асраб-авайлаш лозимлигини янада чуқурроқ англатмоқда. Иккинчи қаҳриқ Ўзбекистон Республикаси Олий Мажлисининг ўн тўртинчи сессиясида Юртбошимизнинг «Мамлакатимиз тинчлиги ва хавфсизлигига таҳдид солиши мумкин бўлган барча хатарлардан, юртимизга қарши тузилаётган турли фитналардан ўз вақтида оғоҳ бўлишимиз, уларни бартараф этиш учун бор куч ва имкониятларимизни ишга солишимиз зарур» дея қўйиб-ёниб айтган сўзлари шу юрт фарзанди бўлган, ақли расо ҳар қандай инсонни оғоҳликка, сезгир ва ҳушёр бўлишга қаҳриши аниқ.

қалбида, юрагида ғурур, ор-номус каби пок тушунчаларни уйғотишимиз, уларни иймонли-эътиқодли қилиб тарбиялашимиз керак. Токи кексайганда, ёшларимизга эътиборлироқ бўлишимиз, таълим-тарбия, бўш вақтларини тўғри тақсимлаш, спорт билан шуғулланиш учун шарт-шароитларни яратиш каби масалаларни яна бир бор кўриб чиқишимиз

лики сақлаш, ёшлар тарбиясига масъул бўлиш, улар қалбида Ватани, онаюрти билан фахрланиш, ор-номусли, ғурурли бўлиш каби фазилатларни уйғотишдек эзгу ниятларни дилга жойлаб тарқалдилар. Дарҳақиқат, ғурури, ори бўлган элнинг эртаси нури, манзил—мақоми обод бўлиши шубҳасиздир.

Шахризода МУҲСИМОВА

«Қамолот» ЁИХ Шайхонтоҳур туман бўлими Кенгаши қoшидаги «Ёшларнинг ҳуқуқий савиясини ошириш» мажмуасининг «Маҳалла ёшлари тарбиячиси» маркази ташаббуси билан «Исломобод» маҳалласида «Ёшлар орасида ҳуқуқбузарлик, жиноятчиликнинг олдини олиш», «Экстремизм ва гивёандликка қарши кураш» мавзусида тадбир ўтказилди. Унда «Қамолот» ЁИХ туман Кенгаши аъзолари, туман Ички ишлар бўлими ходимлари, маҳалла фаоллари қатнашдилар.

Мағбурлар

СОҒЛОМ ТУРМУШ ТАРЗИ

Тадбирда сўз олган Шайхонтоҳур туман «Маҳалла ёшлари тарбиячиси» маркази раиси Шайхон Умархўжаев воёга етмаган ёшларнинг бўш вақтларини умумий ўтказиш мақсадида ёзги мавсумда қилинадиган тадбирлар ҳақида, туман ИИБ воёга етмаганлар билан ишлаш гуруҳининг раҳбари Бахтиёр Тангбердиев воёга етмаган ёшлар томонидан содир этилиши мумкин бўлган гивёандлик, ҳуқуқбузарлик, жиноятчиликнинг олдини олиш ҳақида алоҳида тўхталиб ўтидилар.

Айтиб ўтиш жоизки, «Қамолот» ЁИХ Шайхонтоҳур туман бўлими ҳаракат фаолиятининг асосий мақсади — ёшларни бирлаштириш, уларни соғлом турмуш талаблари асосида тарбиялаш, жамиятда муносиб ўрин эгаллашларига кўмаклашиш, уларнинг манфаатларини ҳимоя қилиш, ёш йигит ва қизларнинг ўз ақл-заковати, куч-ғайратини тўла намоён этиши учун зарур шарт-шароит яратиш бериш, ёш авлодини таъини ва сўнчи бўлишдан иборатдир.

Шунингдек, тадбирда маҳалла ёшларини соғлом турмуш тарзига ошно ҳолда тарбиялаш, улар ўртасида гивёандлик ва токсик моддалар истеъмол қилишининг олдини олиш, ОИТС касаллигининг салбий оқибатлари ҳақида кенг тарбиёт ва таъшиқот ишларини янада қўлайтириш ва гивёандлик оқибатида юзага келадиган жиноятларга қарши кураш йўл-йўриқлари тўғрисида ҳам бир қатор фикрлар билдирилди. Урашув иштирокчиларда яхши таассурот қолдири.

Юлдузхон ИБРАГИМОВА, «Бунёдкор» ёшлар телеклуби ижодий ходими.



Олим Хўжаев маҳалласи шахримиздаги энг намунали маҳаллалардан биридир. Маҳалла оқсоқоли ва фаолларнинг ҳамкору бирдамликда иш олиб бориши муваффақиятлар омили бўлмоқда.

СУРАТДА: Олим Хўжаев маҳалласи фуқаролар йиғини раиси (chapдан биринчи) Абдурашид Нажмиддинов маҳалла аҳли билан навбатдаги иш режалари ҳақида маслаҳатлашмоқда. Ҳақимжон Солихов олган сурат.

Шарқ дурдоналари

Оз-оз ўрганиб
домо бўлиб...

• Хикмат. Бойлик ўткинчи нарсалар. Оқил киши ўткинчи ҳою хавасга берилмайди.

Байт:

Бойлик роҳат бўлса
ҳам сенга,

Фано губоридан
бўлади барбод.

Ҳақиқий бойликни
кирит қўлингга,

Икки кунлик нарса
учун бўлма шод.

• Гуноҳни кечмоқ инсон учун ярашимли ҳулқдир.

• Дўст уч табақа бўлади. Биринчиси, овқат кабидир ва улардан ҳеч ажраб бўлмайди. Иккинчиси, давога ўхшайди ва уларга гоҳ-гоҳ иш тушади. Учинчиси, дардга ўхшайди ва улардан ҳеч яхшилик келмайди.

Байт:

Толем ёр билар
дўстликнинг қадрин,

Мухаббат меҳрини
уриб жонига.

• Хикмат. Ваҳоб ибн Мабннинг айтишича, ҳайладан холи бўлмаган олим ўғридир. Ақл либосини киймаган ҳар бир одам хайвон билан тенгдир.

Байт:

Нодон хато қилса,
раводир унга,

Айб қўйиб бўлмас,
йўлни билмайди.

Ҳайвондан минг
марта ёмонроқ ҳар

ким,

Йўлни билиб унга
амал қилмайди.

• Бир куни Анушервон мажлис уюштирган ва мулозимларидан: «Энг юмшоқ нарса нима?» деб сўради. Биров: «Шоҳи» деб жавоб берди. Биров эса: «товуқ патлари» деди. Яна бирови эса: «Шоҳидан ҳам юмшоқроқ нарса нима бўлиши мумкин» деди. Шу онда ҳалиги йигит сарой устида турган эди. Мулозимлар жавобидан Анушервоннинг кўнгли тўлмаганини кўриб, сўзлашга ижозат сўради. Ижозат бўлган деди: «Энг юмшоқ нарса тинчликдир!» Анушервон унга офарин айтди ва яна сўради: «Энг яхши овқат нима?» Йигит: «Шаҳоний қувватни оширмайдиган ва танда иллат кўзғатмайдиган овқат энг яхши овқатдир!» деди. Яна сўради: «Энг яхши шароб қайси?» Жавоб берди: «Ақлни зое қилмайдиган, касаллик кўзғатмайдиган». Яна сўради: «Гуллардан энг хуш ҳидлиси қайси?» Жавоб берди: «Ота-она тириклигида хурсанд қиладиган, ўлганда номини боқий қиладиган, ҳаёт гули бўлган муносиб фарзанддир!»

• Хикоят. Ривоятлардан маълум бўлишича, ҳинд ҳакимларининг умри узок, ақли эса ўткир бўлади. Бунинг сабаби кам емакдандир. Улардан бири бодом мағзидан катта овқат емас ва бу ҳолни уч кунсиз такрорламамасди.

Китба:

Бир ҳакимдан
эшитдимки, ўликдан,

Сўрса ўлмоқ учун
сабаб не ҳар чок.

Ундан тўққиз ўлик
жавоб беради,

Ўлим сабабидир кўп
овқат емоқ.

Қўшиқ инсонларни гўзалликка, эзгуликка, нурли манзилларга етакловчи оҳанграбодир. Одамзот яралибдики, куй ва қўшиққа сармаст бўлиб яшайди. Унинг майин ва сеҳрли навоси фақат қалбларга ором бағишлаб қолмасдан, балки яшашга иштиёқ уйғотади, ён атрофдагиларга нисбатан меҳр-муҳаббат нурларини таратади.

Танловлар

ҚЎШИҚЛАРДА ВАТАН
МАДҲИ

Куни кеча «Туркистон» саройида «Ўзбекистон қўшиқ байрами» танловининг шаҳар босқичи бўлиб ўтди.

Тадбирнинг очилиш маросимида Тошкент шаҳар ҳокими ўринбосари, шаҳар хотин-қизлар кўмитасининг раиси Фарида Абдурахимова, шаҳар «Маҳалла» жамғармаси раиси Рихситилла Акромов сўзга чиқиб танлов иштирокчиларига омад тилаш баробарида унинг замирида миллийлигимизга, урф-одатларимизга юксак эҳтиром, қадриятларимизга хурмат-эътибор, асосийси эса Ўзбекистон дея аталмиш жаннатмакон юртимизнинг бугуни, эртаси, гўзаллиги-ю ҳусни жамолини, тариху тароватини тараннум этишда дилбар қўшиқларнинг кўпроқ ва савияли тарзда яратилиши, қўшиқлар ҳамоҳанглигида эса истеъдодли ёшларни танлаб олиш асосий мақсад эканлигини таъкидлаб ўтдилар.

Шундан сўнг саҳнада туманлардан ташриф буюрган иштирокчилар дилрабо қўшиқлари, жозибали рақслари билан ўз иқтидорларини намойён этдилар.

Томошабинлар ҳар бир иштирокчини олқишлар ва гулдасталар билан кутладилар. Ҳаяжонли дақиқалар яқинлашиб, ҳайъат аъзо-

ландилар. Биринчи ўринга муносиб деб топилган голиблар



«Ўзбекистон қўшиқ байрами» танловининг республика босқичида қатнашиш ҳуқуқига эга бўлишди.

Танлов ниҳоясида ҳайъат аъзолари ва томошабинларнинг фикр-мулоҳазалари билан қизиқдик.

— Темур МАХМУД, Ўзбекистон санъат арбоби:

— Бу қўшиқ байрами ўтган йилдаги қараганда анчагина янгиликларга бой тарзда ўтди. Танловни ўтказишдан мақсад эса, Ватан, она юрт ҳақидаги қўшиқларга эътиборни кучайтириш, иқтидорли истеъдодларни саралаб олишдан иборат. Бизга голибларни аниқлаш осон бўлмади. Чунки қатнашчиларнинг барчаси ажойиб овозга эга эдилар.

• Илҳом ТУРСУНБОВ,
Акмал Икромов туман маданият бўлими мудири:

— Мен жуда хурсандман, чунки бизнинг тумандаги «Хумо» гуруҳи голибликни қўлга киритди. Бундан фахрланмай бўладими. Бу каби танловларнинг замирида эзгулик ётади. Юртимизга, халқимизга меҳр, миллийлигимизга эҳтиром, ўзлгимизга, ўзбеклигимизга юксак садқоқат туйғуларни тараннум этилади.

Дарҳақиқат, «Ўзбекистон қўшиқ байрами» танлови кўтаринки руҳда, байрамона тарзда ўтди. Энг яхши ижро этилган қўшиқлар саралаб олинди.

Гулчехра ДҲРДИЕВА
СУРАТЛАРДА: «Ўзбекистон қўшиқ байрами» танловининг шаҳар босқичидан лавҳалар.
Ҳақимжон Солиҳов олган суратлар.



лари танлов голибларини эълон қилди. Биринчи ўринга Акмал Икромов туманидан «Хумо» гуруҳи ва Ҳамза туманидан «Фарангиз» гуруҳи муносиб деб топилди. Иккинчи ўрин Шайхонтоҳур туманидан Маҳфуза Исмоилова, учинчи ўрин эса Миробод туманидан Алишер Қосимовга насиб этди.

Голиблар эсдалик совғалари, Фахрий ёрлиқлар билан тақдир-

Институтнинг ташкил этилганлигига ҳам қарийб 35 йил тўлди. Ўтган вақт мобайнида институт республикамизга минглаб мутахассислар тайёрлаб берди. Ҳозирда кўплаб автомобил ва йўл қурилиши соҳасида меҳнат қилаётган мутахассисларнинг аксарияти ушбу даргоҳда таълим олган.

Собиқ талабалар мазкур

ТЎРА ЖУМАН —
80 ЁШДА

Сиз қашқадарёлик жангчи шоир Тўра Жуманни яхши танийсиз. Унинг ижоди билан шоирнинг турли йилларда нашр этилган китоблари, матбуотда чоп этилган ранг-баранг мавзудаги газал ва шеърлари орқали яқиндан танишсиз. Беш ўғил, уч қизнинг отаси Тўра Жуман ўзининг муборақ 80 ёшини илҳом бўлғи қайнаган ҳолда кутиб олмақда. Унинг бугун «Оқишом» муштарийлари диққатига ҳавола этилаётган шеърлари ушбу фикримизга ёрқин далилдир.



МУСТАКИЛ ВАТАНИМДА

Мустақил Ватанимда ризқимиз бўлмоқда мўл, Унга чирой бахш этган экинзор, боғ, дарё, кўл.

Халқнинг меҳнати билан ҳар соҳада юксалиш, Бўстонга айланмоқда қанча-қанча сахро, чўл.

Ҳар ким билган касбига қўл ургани сабабли, Яшашда камчилик йўқ, турмушимиз гўё гул.

Ўзбекистон довури дунё бўйлаб таралди, Тўра, бекиёс юртга энг муносиб фарзанд бўл.

ОЧИҚ

Меҳр, яхшилик учун ҳар қалбнинг йўли очик, Эзгу иш қилганларга бахтларнинг гули очик.

Ҳимматлилар — қимматли, қайга борса эъзозда, Ҳамма томон — олд, орти, ўнги ва сўли очик.

Ўрин топмайди сира чақимчилар, бахиллар, Ҳаётда ўрин бордир кимнингки кўнгли очик.

Меҳр — умр лаззати, музликларни эритар, Меҳр, яхшилик учун ҳар қалбнинг йўли очик.

ТУРЛИЧА

Замин битта, ҳайвонлар, учган қушлар турлича, Одам ҳар хил лек кўрган тушлар турлича.

Тоғ, дарёлар, ўрмонлар, дарахт, мева, экинлар Дўст, ўртоқлар, ошнолар ҳамда хешлар турлича.

Кимдир қалта, ким дароз, кимлар доно, ким нодон, Бадаи ранги, кийимлар, соч-у тишлар турлича.

Совуқ шимол, саҳрода, тоғ, ўрмонда одам бор, Бу дунёда ташвишлар, Тўра, ишлар турлича.

СЎЗЛАРИНГДАН БОЛ ТОМСА

Кеккайишни қўй, эгил, сўзларингдан бол томсин, Чехранг бўлсин мисли гул, сўзларингдан бол томсин.

Бошлигингга учрашсанг, уюлмасин қовоғинг, Қаршисида сал-пал кул, сўзларингдан бол томсин.

Агар ширин сўзласанг, илон чиқар инидан, Душманинг ҳам бўлар эл, сўзларингдан бол томсин.

Ҳамма-ҳаммага агар ёқимли бўлай десанг, Бўл одобли ва хушфёёл, сўзларингдан бол томсин.

Олам яхши яхшига, энг қийин ишингни ҳам, Битишига мен қафил, сўзларингдан бол томсин.

ЯХШИ ЖОНОН УЧРАСА

Яхши жонон учраса, унга қўл бўлсанг арзир, Оёғининг остига тупроқ қўл бўлсанг арзир.

Ҳаёсизнинг нозидан унинг қалтаги устун, Койиса ҳам сен унга ширин тил бўлсанг арзир.

Ақли кўп ёрға қанча сарфласанг озлик қилар, Қимматли совға бериб, очик қўл бўлсанг арзир.

Оғирликда фил бўлсанг, чўмилганда қўл бўлсанг Ҳидлашни истаб қолса, Тўра, гул бўлсанг арзир.

да фаолият кўрсатаётган бир гуруҳ педагоглар эсдалик совғалари билан тақдирланди. Сўзга чиққанлар бундай учрашувлар ёшларга намуна бўлиб хизмат қилишини ҳамда келажақда анъанага айланишига умид билдиришди.

Инобат
ЭГАМКУЛОВА,
«Туркистон-пресс».

СОБИҚ ТАЛАБАЛАР
УЧРАШДИ

Тошкент Автомобиль йўллари институтида бундан 30 йил олдин, яъни 1974 йилда битириб кетган собиқ талабаларнинг устозлари билан учрашуви ўтказилди.

Илм даргоҳида китоб ўқиб ўтказган кунларини олтинга тенг эканлигини айтишиб, ўша давлар хотиран-

сини ҳаяжон билан эслашди.

Учрашув давомида кўп йиллардан буён институт-

Билиб қўйган

яхши

МУЗҚАЙМОК
ТАРИХИ ВА
ТАЪРИФИ

Ёзнинг жазирама кунлари кишига ором берадиган, айниқса ёш болалар учун роҳатининг, шифобахш неъмат — музқаймоқдир.

Музқаймоқ жуда қадимда, иқлими иссиқ Шарқ мамлакатларида ижод этилган бўлиб, уни Урта Осиё халқлари «яқаймоқ» деб аташган. Эрон ва Ҳиндистонни забт қилган Искандар Зулқарнайн аскарлари ушбу мамлакатларнинг аҳолиси иссиқ кунларда аллақандай «яқлатилган сутни» шимиб юрганларини қўриб хайратда қоладилар. Маълум бўлишича, сут ёки қаймоққа асал, тухум, ванилин ва жавоҳир қўшиб музлатилар ва махсус кўзаларда сақланар экан. Гоҳо пиво шарбатларига тоғлардан олиб келинган тоза қор ва қирилган музни қўшиб ҳам музлатилар ва махсус кўзаларда сақланар экан. Араблар шу усулда тайёрланган яхна таомни алжелати деб атаганлар. Музқаймоқ рецепти ва технологияси македонияликлар Европага олиб келган бўлсалар ҳам у кенг эътибор қозонмади. Фақат XIII асрда италиялик сайёх Марко Поло шарқ мамлакатларига қилган саёҳатидан кейингина музқаймоқни ғарбий мамлакатларда тайёрлаш авж олиб кетди. Италиялик шакарпаз Проколио Кольтелли 1630 йилда Парижга келиб ресторанлардан бирида музқаймоқ тайёрлашни жоний қилганлиги тўғрисида маълумотлар бор. Шундан қариб бир аср аср ўтган, яъни 1770 йилда яна бир италиялик қандолатчи Нью-Йоркда музқаймоқ тайёрлашни жорий қилган. Россияда музқаймоқ тайёрлаш мустақил равишда ижод этилган деган далиллар бор.

Ўзбекистон аҳолиси ҳам музқаймоқ тайёрлашнинг турли хонаки усуллари билан, бироқ ўтган аср бошларига қадар махсус китоблар ёзилмаганлиги сабабли унинг рецепти ва технологиялари унут бўлиб кетган. Фақат унинг «Роҳатихон» деб аталувчи энг содда хили сақланиб қолган. Учинини ҳам ёлғиз Самарқанд ва Бухоро каби қадимий шаҳарларнинг аҳолиси билади, холос.

«Роҳатихон» тайёрлаш учун еишига яроқли музни қириб қиров ҳолига келтирилади ва юзига узум ёки тут шининиси ёки қиём сепилади. Шифолиги шундаки, ёзда дизентерия, ичбурғ касаллигига мубтало бўлган киши «Роҳатихон» еса таққа тўхтабди.

Музқаймоқни замонавий озиқ-овқат саноати усулида тайёрлаш жуда яхши йўлга қўйилган бўлиб, унинг дунё бўйича олганда юз хилдан орттиқ турлари бор.

Музқаймоқни гўдаклардан тортиб қарияларгача барча севиб истеъмол этишининг асосий сабаби унинг шифобахшлиги ва тўқ тутарлигидир. Музқаймоқ оғир операциядан чиққан касалларга, яъни дағал овқат еиш мумкин бўлмаган беморларга берилади. Ошқозонда яраси борлар, сил касалига мубтало бўлганлар, озиб, абгор бўлиб кетганларга ва кам қонли кишиларга тавсия этилади. Музқаймоқ таркибиде 3,5 фоиздан 15 фоизгача мей, 14 фоиздан 25 фоизгача шакар бўлиб, қолгани оқсилдан иборатдир. Яна унда А, В, С, Д ва Е дармдоринлария фосфор билан кальций жавҳарлари ҳам мавжуддир.

Мўлоҳаза

Бугунги кунда ҳуқуқбузарликлар содир этаётган шахслар орасида вояга етмаганлар жиноятчилиги бир қарашда унчалик ҳам кўзга кўринмас-да, аммо улар томонидан амалга оширилган турли ҳуқуқбузарликлар сони ўсиб бораётганлигини кузатиш мумкин.

БОЛА ТАРБИЯСИ —

БАРЧАМИЗНИНГ БУРЧИМИЗ

Ҳар қандай ғайриқонуний хатти-ҳаракат маълум бир шарт-шароитлар натижасида юзга келади. Шу ўринда савол туғилади: вояга етмаган шахслар жиноятга нима сабабдан қўл урмоқда ва бунинг олдини олиш учун қандай чора-тадбирларни амалга оширишимиз лозим?

Айрим ҳуқуқшуносларнинг фикрича, вояга етмаганлар ҳуқуқбузарлигига қуйидагилар сабаб бўлмоқда: оиладаги но-соғлом муҳит; ўқиш ёки иш жойидаги ёмон ҳулқилар билан муомалада бўлиш; вояга етмаганларнинг узоқ вақт мобайнида фойдали фаолият билан шуғullanмаганлиги; катта ёшдаги жиноятчилар томонидан турли хил ҳуқуқбузарликларга жалб этилиши; назоратсизлик; боланинг кайфияти ва руҳий ҳолатига таъсир этувчи ҳаётдаги омадсизлик.

Вояга етаётганлар ўз атрофида юз бераётган воқеа-ҳодисаларни тез ўзлаштирадиган, эгилувчан ҳамда ўзгарувчан бўлишади. Ота-оналар кўпинча 10-12 ёшгача фарзандларини қаттиқ назорат қилишади-ю, аммо 13-14 ёшдан бошлаб назоратни су-сайтиришади. Бу эса ўсмирнинг жиноятга қўл уришига ёки жиноятга жалб этилишига сабаб бўлади. Кўпчилик вояга етмаган жиноятчиларнинг оилавий шароити ўрганилганда, уларнинг оилавий тарбияси яхши эмаслиги, ота ичиб келиб, жанжаллар кўтарувчи ёки бўлмасе ота-оналар ўз муаммолари билан бўлиб фарзанд тарбиясини унуттишлари ёхуд уларнинг бу характери фарзандларига салбий таъсир ўтказганлиги ойдинлашади. Оилавий муҳит яхши эмас экан, унга атрофдагиларнинг ижобий таъсир ўтказиши қийинлашади.

Агар ота-она фарзандининг «дастлабки қадами»ни ўз вақтида муносиб жазоламас экан, бу кейинчалик катта қилмишлар содир этилишига туртки бўлади. Ўз ўрнида ота-она назорат ва тарбия билан бир қаторда фарзанднинг моддий таъминоти ҳам алоҳида эътибор қаратиши лозим. Агар бола моддий хижатдан етарлича таъминланмасе, у оsonроқ пул топиш йўлини қидиришга тушади. Бу эса ўғрилиқ, майда безорилик, талончилик каби мулкий жиноятларнинг содир этилишига олиб келади. Ота-она фарзандининг фойдали машғулоти тури билан банд бўлишида ҳамда аниқ бир соҳага йўналтиришда алоҳида ўрин эгаллайди.

Вояга етмаган шахсни тўғри тарбия қилишда, улар томонидан ҳуқуқ бузилишларининг олдини олишда ўқув муассасаларининг ҳам ўрни катта. Мактаб билим ўчоги бўлиши билан бир қаторда педагогик тарбиянинг ҳам маркази бўлиши керак. Чунки оиладан ташқаридаги таълимнинг энг асосий қисмини бола мактабдан ўрганади ва мактаб орқали ижтимоий ҳаётга кириб боради.

Биз қудратли давлат барпо этишни мақсад қилган эканмиз, келажакимиз бўлган ёшларнинг тарбиясига жиддий ёндошмоғимиз, огоҳликда яшамогимиз керак. Шундагина ёшларнинг турли жиноий гуруҳларга қўшилиб кетишини, вояга етмаган бола шахсидаги энди шакллана бошлаган ғайриижтимоий ўзгаришларнинг олдини олиб, жиноятчиликнинг камайишига ўз хиссамизни қўшган бўламиз.

Сарвар СОЛИЕВ,
Тошкент Давлат юридик
институты 3-курс талабаси.

Муффа олат

ҚИММАТБАҲО
ТОПИЛМА

Эронлик икки ўспирин Карбало шахри чеккасида уйнаб юришарди. Улар зангдан чириб, майишиб ётган қилич топиб олдилар. Олтин суви юритилган қини эса бус-бутун эди.

У қимматбаҳо тошлар ва гавҳар доначалари билан безатилганди. Қадимий Карбало шахри кўп жанглари билан ҳисобланади. 680 йилда бу ердаги жангда араб халифаси Алиннинг ўғли Ҳасан ўлдирилганди. Шуниси аниқ эдики, ушбу топилма жангда ҳалок бўлган эътиборли зотлардан бирига тегишли бўлган. Заргарларнинг берган баҳоларига кўра қиличнинг нархи камида 400 минг АКШ долларига тенг бўлиб чиқди.

БОШИНИ ОҒРИТИБ
ЎТИРМАДИ

Стинг таҳаллусли билан машҳур бўлган британиялик мусикачи Гордон Самнер яқинда канадалик солиқчилардан антиқа хатча олди.

Унда солиқ полициячилари санъаткорга ўн йилча бурун Канадага гастролга келганини эслатишганди. Ушанда Стинг Канадада олти марта концерт бериб,

йигирма тўққиз минг доллар солиқ тўлаб кетган эди. Унинг шу олтита концертида қанча ҳақ олганини ҳисоблаш учун канадалик солиқчиларга ўн йилча вақт керак бўлибди. Стинг Британиянинг энг бош шов-биз-несчиларидан бўлиб, ҳисобиде 1998 йилда 150 миллион доллар мавжуд эди. Шунинг учун у 106 минг долларлик солиқни қайта ҳисоблаб чиқишдек бош оғригидан кўра тўлаб қўя қолишни афзал билди.

«БЕПАРВО
ЎТИБ КЕТМАНГ»

Ўзига муносиб умр йўлдоши ахтариб юрган сўқбабошларга микротехника ёрдамга келмоқда. «Филипс электроникс» фирмаси шундай бир микрочизма ишлаб чиқармоқчи.

У кийимнинг киши билмас ерига ёхуд заргарлик буюмларига яшириб қўйилади-да, излаётганнинг характери хусусиятларини микрочизмага белгилан қўяди. Ана шундан кейин у керакли одамни ўзи излай бошлайди. Яъни, микрочизма тарқатаётган радиотўлқинлар ёнидан ўтаётган кимсаннинг феъл-атвори, қизиқишлари ва нимага мойилликлари ҳақида ахборот беради. Шуниси ажаб-

ланарлики, микрочизмадан эгасига керакли кимса ёнидан ўтиб кетаётганида «Бепарво ўтиб кетманг» деган аломат сўзлар янграйди.

ЎЗГАНИНГ ҚҮЛИ

Қадимги афсоналардан бирида шундай дейилади: гўё ҳалол бир одамнинг қўли кучли жараҳат туфайли кесиб ташлангипти. Ўтқир табиб унга бошқа қўл улаб қўйипти. Бу қўл бир ўғриники бўлиб, ҳалол одам гавжум жойларда юрса ўша қўл ўзгаларнинг чўнтагига қараб чўзилаверибди. Бундан ҳалол одам кўп азият чекибди.

Ҳозирда кесилган қўл ўрнига бошқасини улаш афсона бўлмай қолган. Бундан йигирма йилча бурун янги зеландиялик Клинт Халлам ўнг қўлидан айрилганди. Яқинда унга қўл улаб қўйилди. Аммо у бундан хурсанд бўлиш ўрнига ранжимоқда. Ҳатто уни кесиб ташлашлари тилаб этмоқда. Боиси шуки, уланган қўл ўзиникидан бошқача рангда бўлиб, ҳам катта эди. Шифокор эса менинг айтганларимни қилмаган, деб кесиб ташлашни рад этмоқда. Энди Халлам умрбод хижолатда яшашига тўғри келадиганга ўхшайди. Ҳа, ҳар кимнинг ўз иймони, ўз аъзоси бутун бўлсин экан.

“ФАРМБОЗОР”

САВДО-

КЎРГАЗМАСИ

Тошкентда илк мартаба фармацевтика маҳсулотларининг “Фармбозор” биринчи савдо-кўргазмаси ўтказилди. Унда юзга яқин турли улгуржи ташкилот ва дорихоналар, 15 та республика давлош ва тиббиёт муассасалари ҳамда Фавкуллда вазиятлар, Ички ишлар, Мудофаа вазирликлари ва бошқа ташкилотларнинг мутасадди бўлимлари иштирок этди.

Кўргазма ўтказишдан мақсад, тиббий таъминотга ихтисослашган корхоналар ўртасидаги ўзаро ҳамкорлиқни йўлга қўйиш, истеъмолчиларни ишлаб чиқарувчилар билан таништиришдан иборат. Тадбирда иштирок этганлар фармацевтика бозоридаги маҳсулотлар турлари, тиббиёт тизимига қарашли муассасалар фаолияти ҳақида маълумотларга эга бўлишди.

Шунингдек, савдо-кўргазмада ишлаб чиқариш, рўйхатдан ўтказиш ва лицензиялаш билан боғлиқ саволларга мутахассислар маслаҳатини олиш мумкин. Бундай савдо-кўргазмаларни ҳар ойда ўтказиш режа-лаштирилди.

Н.ДЕВЛИСУПОВА,
“Туркистон-пресс”



— Умримнинг баҳори — бахтиёр ёшлигим мангу қолсайди...

ҒОЯТДА
ГЎЗАЛ МАНЗАРА

Норвегия пойтахти Ослонинг жануби-ғарб томонида жойлашган Гримстод шаҳарчасида инсон қўли билан ақл бовар қилмайдиган бир ажойиб манзара барпо этилди, қисқа фурсат ичида у норвегиялик ҳамда хорижлик сайёҳларни оханграбодек ўзига жалб этмоқда.

Бу ердаги 400 квадрат метрли майдонни ишғол этган анвойи гулбоғда «капалаклар хиёбони» ташкил этилган. Тропик ўсимликларни сархуш этувчи ғоятда хушбўй иссиқхонада бири-биридан қиройли капалаклар сайёҳлар атрофида учиб юради. Шу ердаги 1,5 метрли ялтироқ материалдан тайёрланган ойнаванд панеллар ортидаги ин эса хаёлни тортади. У чумоилар ини бўлиб, митти захира маткашлар томонидан яратилган. У витринанинг узунасига қараб чўзилган. Бу эса томошабинларда инсон цивилизациясидан қолишмай-диган цивилизация яратган чумоиларнинг «ижтимоий ҳаёти»ни кузатиш имконини беради.

Мурод ПАРПИХЎЖАЕВ
тайёрлади.

Спорт

МУХИМ КҶРИК
ОЛДИДАН

Маълумки, футбол бўйича миллий терма жамоамиз 9 июнда шахримизда Фаластин терма жамоаси билан бўлиб ўтадиган 2006 йилги жаҳон чемпионатининг саралаш учрашувига жиддий тайёргарлик кўрмоқда.

Муҳим беллашувга тайёргарлик доирасида эртага чарм тўп усталаримиз Боку шахрида Озарбойжон терма жамоаси билан ўртоқлик учрашувини ўтказишди.

Шу муносабат билан «Бунёдкор» ёшлар телеклубида терма жамоа бош мураббийси Равшан Хайдаров ва спорт журналистлари иштирокида матбуот конференцияси ўтказилди.

Тадбирда Р.Хайдаров терма жамоанинг тайёргарлиги ва унинг таркиби юзасидан журналистларнинг саволларига жавоб қайтарар экан, турли сабабларга кўра М.Шахматов, А.Аюпов, В.Ширшов каби кучли легионерларимиз ушбу ўйинда иштирок эта олмасликларини таъкидлади. Шундай бўлса-да, футбол мухлислари И.Нестеров, Б.Ашурматов, О.Пашинин, Н.Ширшов, М.Қосимов, Л.Қосимов, С.Жеппаров, А.Солиев, А.Гейнрих каби етакчи чарм тўп усталаримиз маҳоратидан баҳраманд бўлишлари мумкин.

Биз жиддий синов учрашувидан футболчиларимизга омад тилаймиз.

ШАХМАТЧИЛАР
ДОНА СУРДИ

Республика шахмат-шахка клубида тўққиз кун давомида энг кучли эркак шахматчиларимиз олий лига баҳсларини ўтказишди.

Унда ўн тўртта шахмат устаси ўзаро куч синашди. Шиддатли беллашувлар натижасига кўра 13 имкониятдан 9,5 очко тўплаган Владимир Егин (Тошкент вилояти) хурмат шоҳсупасининг энг юқори поғонасидан ўрин олди. Ҳамшаҳримиз Тимур Гареев голлибдан бир очко кам жамгарган ҳолда йккинчи ўрин билан қийоғланди. Наманган вилояти вакили Сайдали Йўлдошевга эса учинчи ўрин насиб этди.

В.Егин, Т.Гареев ва С.Йўлдошевлар шу йил октябр ойида Испанияда бўлиб ўтадиган бутунжаҳон шахмат олимпиадасида қатнашиш ҳуқуқини қўлга киритишди.

(Ўз мухбиримиз)

Чилонзор тумани давлат солиқ инспекцияси томонидан 2003 йил 12 сентябрда хусусий тадбиркор Абдурахмонов Абдуҳаким Абдурахимович номига берилган №1026 рақамли даромадлар ва товар операциялари ҳисобга олиш дафтарини йўқолганлиги сабабли

БЕКОР ҚИЛИНАДИ

Тошкент вилояти, Тошкент туманидаги 35-ўрта мактаб томонидан 2003 йилда Мажибов Баҳодир Рихсибаевич номига берилган О'РА: №1023791 рақамли аттестат йўқолганлиги сабабли

БЕКОР ҚИЛИНАДИ



Спортшўнослик

«КЎЗИ ОЖИЗ» ҲАКАМ

Хабарингиз бор, бу йил ФИФА ташкил топганига ролпа роса 100 йил бўлди. Шу муносабат билан бугунги саҳифамизда айнан шу ташкилот фаолияти билан боғлиқ маълумот ҳақида тўхталиб ўтамиз.

Ўз вақтида ФИФА президенти лавозимида ишлаган шахслар билан турли хил қизиқарли воқеалар содир бўлган. Бугун ҳикоя қилмоқчи бўлган воқеамиз ҳакамликдан уюшма президентлигига кўтарилган Стэнли Роуз билан боғлиқ.

Жаноб Стэнли ҳакамлик либосини кийиб юрган пайтида айни ўйин маҳали мезбонлар дарвозасига киритилган нотўғри голни билмасдан ҳисобга олиб қўяди. Аксига олиб, шундан сўнг майдон эгаларининг омади чопмади. Бироз ён босиб, ёрдамлашишлари ҳам наф бермайдди. Ўйиндан сўнг мухлислар жазавасини сўз билан ифодалаш қийин эди. Полициячилар ҳакамни катта машаққатлар эвазига машинага қўзатиб қўйишди. Хавф-хатардан халос бўлгач, ўз миннатдорчилигини

полициячилар бошлиғига изҳор қилган Стэнли Роуз «Арзимайди» ўрнига шундай жавоб олади: «Ташаккур изҳор этишининг ҳолати йўқ жаноб, ахир кўзи ожизларни қўзатиб қўйиш бизнинг вазифамиз-ку».

ҲАВАСКОРЛАР
МУВАФФАҚИЯТИ

Евро-2000 га етакловчи саралаш баҳслари қуръасига кўра Европа мамлакатлари рейтингига биринчи ўринда турган Франция термаси охириги ўринда турган Андорра билан бир гуруҳдан жой эгаллаганди. Парижда бўлган учрашувда 0:2 ҳисобида енгилган андорралар жавоб ўйинида яна ҳам яхшироқ ўйнашди — 0:1.

Бу кичик мағлубиятдан сўнг мамлакат ахли катта тантана уюштирди. «Биз гарчи енгилган бўлсак-да, оддий жамоадан эмас, жаҳон чемпионларидан мағлубиятга учрадик. Катта ҳисобда эмас, 0:1. Бунинг устига улар тўпни сўнгги дақиқаларда, пеналь-

тидан киритишди. Биз бахтлимиз!!!», — деди ўйиндан сўнг мамлакат президенти Марк Форн. У яна қуйидаги фикрларни қўшиб қўйганди: «Агар Франция ўйинчиларининг биттаси бизнинг мамлакатимиз бюджетининг тўртдан бирига тенглигини ҳисобга олсак, йигитларимиз чиндан ҳам муъжиза кўрсатишди».

Андоррадаги стадионга фақат 1250 та томошабин сиғиши тўғрисида ўйин Барселонада ўтказилди. Ўйинга Андорра Футбол федерацияси президенти Франческо Вила шундай изох берган: «Францияда 0:2 га енгилгандик. Ҳозир эса олдингидан ҳам кўпроқ хурсандман! Агар дуранг ҳисоби сақлаб қолинганда қувончдан ўлиб қолардим ва бунга рози эдим!!!»

Шуни ҳам айтиш жоизки, ўшанда Андорра терма жамоаси таркибида 3 тагина профессионал футболчилар ҳаракат қилишган, холос. Улар ҳам Португалиянинг 2-лигаси ўйинчилари эди. Қолганлари эса асосий ишидан бўш вақтини футболга бағишларкан. Масалан, ярим ҳимоячи Эмилиано Гонзалес почтальон, ҳужумчи Хулен Лученко эса мамлакат дўконларига заводдан сигарет етказиб берадиган хайдовчи бўлиб ишларкан.

Миркомил МУСАЕВ тайёрлади.

Ҳамкорлик

БИЛИМЛАРИНИ
НАМОЙИШ ЭТИШДИ

Маълумки, Procter & Gamble компанияси мамлакатимизда 6 йилдан буён қатор вазирликлар ва хайрия жамғармаси билан ҳамкорликда Always савдо белгиси ҳомийлигида «Балоғат даври» ҳамда Blend-a-med савдо белгиси кўмағида «Жозибдор табассум» соғломлаштириш таълим дастурларини амалга ошириб келмоқда.

Шуни айтиш керакки, ўтган давр ичида юртимизда «Балоғат даври» дастури бўйича 200 мингга яқин, «Жозибдор табассум» дастури бўйича эса 400 минг нафардан ортиқ мактаб ўқувчилари қамраб олиниб, улар учун семинар ва маърузалар ташкил этилди. Дастур иштирокчиларига ўқув қўлланмалари ва замонавий шахсий гигиена воситалари топширилди.

Пойтахт ўқувчилар ижодиёти марказида 2003-2004 ўқув йилларида соғломлаштириш дастурлари ўтказилиши натижалари бўйича якуний кўрик-танлов бўлиб ўтди. Тадбирда иштирок этган шахримизнинг барча туманлари вакиллари ўзлари тайёрлаб келган соғлом турмуш тарзи, шахсий гигиена қоидалари бўйича саҳна кўринишларини намоёйиш этишди.

Унда балоғат даврида юз берадиган ўзгаришлар, мактабда ўқитувчилардан олган сабоқларидан олинган ўринли хулосалар ўз аксини топди. Бир сўз билан айтганда, ўқувчилар машғулотларда олинган сабоқларни билимлари билан мустаҳкамлашди. Шунингдек, соғломлаштириш дастурлари бўйича олаётган сабоқлари ҳаётида катта ёрдам бераётганлигини таъкидлаб ўтишди.

Тадбир қатнашчиларига Procter & Gamble компанияси томонидан ўқув қўлланмалари ва гигиеник воситалар топширилди.

(Ўз мухбиримиз)

СУРАТЛАРДА: тадбирдан лавҳалар.

Ҳакимжон Солиҳов олган суратлар.

Футбол

ПОЙТАХТ ЖАМОАЛАРИНИНГ
УЧРАШУВИ

«Пахтакор» — «Локомотив» беллашуви билан мамлакат XIII миллий чемпионатининг 10-тур баҳслари низоҳасига етди.

Авалло, шуни таъкидлаш жоизки, ушбу турга қадар рақибларидан иккита ўйин кам ўтказган «Пахтакор» иккинчи ўринда, «Навбахор» эса биринчи ўринда бораётганди. Олий лиганинг янги вакили «Локомотив» эса шов-шувли натижаларни қўлга киритиб турнир жадвалининг бешинчи поғонасини эгаллаб турганди. Шу босими, «Пахтакор» — «Локомотив» баҳси қизиқарли ўтиши кутилаётганди. Аммо, тан олиш керак, пахтакорчилар рақибларидан кўра сермазмунроқ ўйин намоёйиш эта олишди. Меҳмонлар дарвозаси олдида уюштирилган хавфли ҳужумлар самара бериб 18-дақиқада Анвар Солиев томонидан йўллан-

ган зарба пахтакорчиларни ҳисобда олдинга олиб чиқди. Иккинчи бўлимда меҳмонлар ҳисобни тенглаштириш мақсадида ҳужумга зўр беришди-ю, ўз дарвозалари ҳимоясини унутиб қўйишди. Бундай қўлай вазиятдан майдон эгалари 46-дақиқадаёқ унумли фойдаланиш ҳисобини 2:0 га етказишди. Гол муаллифи Жеппаров. Қизиқарли ўтган учрашув шу ҳисобда якунланди.

Қолган беллашувларда қуйидаги натижалар қайд этилди. «Сўғдиёна» — «Насаф» — 1:4, «Самарқанд» — «Динамо» — «Навбахор» — 0:3, «Бухоро» — «Трактор» — 3:1, «Металлург» — «Қизилқум» — 1:1, «Машғал» — «Сурхон» — 1:0.

Навбатдаги 11-тур баҳслари 3, 4, 5 июнь кунлари ўтказилади.

Анвар ЙЎЛЧИЕВ



Сўзсиз сурат.

Абдурасул Ҳакимов чизган расм.



Муассис:
Тошкент шаҳар
ҳокимлиги

Бош муҳаррир
Акмал АҚРОМОВ

Манзил: 700000,
Тошкент шаҳри,
Матбуотчилар кўчаси, 32

ТЕЛЕФОНЛАР:

хатлар — 133-29-70;
эълонлар:
133-28-95, 132-11-39
факс: (3712) 133-29-09

Ҳажми — 2 босма табоқ офсет усулида
босилади.
4273 нусхада босилади. Қўғоғ бичими А-3

Газета Тошкент шаҳар
Матбуот ва ахборот
бошқармасида 02-1-рақам
билан рўйхатга олинган.

Душанба, сенанба, чоршанба,
пайшанба ва жума кунлари чиқади.
Нашр кўрсаткичи — 563

Нашириг етказиб бериш масалалари бўйича турар жойларнинг почта
бўлимларига ёки «Тошкент пошта» — 133-74-05 телефонига
муросалат қилишнинг мумкин.

Газета «Тошкент оқшоми»нинг компьютер
марказида терилди ва саҳифаланди.

«Шарқ» нашрийг-матбоа акциядорлик компанияси босмаҳонаси.
Корхона манзили: «Буюк Турон» кўчаси, 41-уй.